

պատուիրան, այլ ստգտանաց էր գործ: Զի
 գտակ կարստեան եւ առիթն ամենայն չար-
 եաց բազմահնար մեքենայիւմ մարտ եղեալ
 ռգորէր առ սուրբ տեղիսն եւ առ յանդամս
 Քրիստոսի, զի ըստ իւրոյ բազմանացն յանկ
 հանցէ որպէս եւ է իւրն գործ սովորական:
 Բայց գոհութիւն եւ փառք Քրիստոսի Փրկ-
 իւրոց, եւ յամօք արար գրանսարկու պիղ-
 չին մերոյ, զի լուսւ պաղատանաց ծառայից
 ծքն, եւ զիւր վաղալար յորոգայքն մանրեալ
 վշրեաց, եւ ըստ կամաց իւրոց զիւրն խա-
 ղազութիւն տնօրինեալ հաստատեաց, թէ'
 այսր եւ թէ այդր. այսուհետեւ մի' եւս
 աշխատ արացես զիմս ծերութիւն: Դար-
 ձեալ ծանիր, սիրելի', զի մեք յաւուր
 երկուշաբթին որ զկնի Պայծառակերպու-
 քեանն՝ միջնորդութեամբ Մարգիս վար-
 դապետին պատրիարզի եւ հայցուածօք
 ֆահանայից եւ ժողովրդոց՝ արարաք խա-
 ղազութիւն եւ հաշտութիւն. ապա եւ զկնի
 ֆանի աւուրց անցելոյ, ի յաւուրս Փոխ-
 ման տօնի բարեկենդանի Սուրբ Աստուա-
 ծածնին, եկն ուրախարար բուրք Մար-
 տիրոս վարդապետին, յորում գրեալ էր
 զխաղազութենէ՝ ձերմէ: Եւ եղեւ կրկին
 ուրախութիւն եւ ցնծութիւն բոլոր ժողո-
 վրդեան, որով ամենեքեան հանդիսացեալք
 Աստուծով զփառատրականն երգէին նըւագ,
 որ երարձ զխոռվութիւն եւ հաստատեաց
 զխաղազութիւն: Եւ եւս իմա', սիրելի, սի-
 րելւոյն Տեառն զխօսս. Եթէ սիրտք մեր զմեզ
 ոչ ստգտանիցեն՝ համարձակութիւն ունիմք

26 Յուլի 1667